

數里水從上過故曰瀨石上而開道休
山東北周里山在休之南並是北邊
遠東則天台桐柏

方石太平二韭四明五奧三菁表神異於緯牒驗感應於

慶靈凌石橋之莓苔越樞谿之紆縈
天台桐柏七縣餘地南帶海二韭四明五

奧皆相連接奇地所無高於五嶽便是海中三山之流韭

以菜爲名四明方石四面自然開窗也五奧者曇濟道人

蔡氏郝氏謝氏陳氏各有一奧皆相倚角並是奇地三菁

太平之北太平天台之始方石直上萬丈下有長谿亦是

縉雲之流云此諸山並見圖緯神仙所居住
遠南則松箴來要徑石橋過樞谿人迹之艱不復過此也

棲雞唐巖漫石崢嶸對嶺崑孟分隔入極浦而逕回迷不

知其所適上嶽崎而蒙籠下深沈而澆激
棲雞在保口之上別浦入其中

周回甚深四山之裏松箴在棲雞之上緣江唐巖入太平

水路上有漆布數百丈漫石在唐巖下郝景興經始精舍

上虞縣志
卷四十一
文徵內編
五

亦是名山之流崢嶸與分界去山八十里故曰遠南前嶺

鳥道正當五十里高左右所無就下地形高乃當不稱遠

望崑山甚奇謂白爍尖者最高下有良田王敬宏經始精

舍曇濟道人住孟山名曰孟墟芋薯之崑田清溪秀竹廻

開巨石有趣之極此中多諸浦澗傍依茂林
遠西則□□

迷不知所通嶽崎深沈處處皆然不但一處
遠北

則長江永歸巨海延納崑漲緬曠島嶼綢沓山縱橫以布

護水迴沈而縈迥信荒極之綿眇究風波之聯合
江從山北流窮

上虞界謂之三江口便是大海老子謂海爲百谷王以其

善處下也海人謂孤山爲崑薄洲有山謂之島嶼卽洲也

漲者沙始起將欲成嶼縱橫無常於一處迴沈相徒觀其

縈繞也大荒東極故爲荒極風波不恒爲聯合也